

22.02.2022. godine

**BOSNA I HERCEGOVINA**  
**KANTON SARAJEVO**  
**SKUPŠTINA KANTONA SARAJEVO**  
**Haris Zahiragić**

Vlada Kantona Sarajevo  
Ministarstvo zdravstva Kantona Sarajevo  
Ured za borbu protiv korupcije

Na 2. nastavku 48. radne sjednice Skupštine KS, a na osnovu Poslovnika o radu Skupštine Kantona Sarajevo postavljam

**ZASTUPNIČKO PITANJE**

Na vanrednoj sjednici Vlade održanoj 20.01.2022. godine, Ministar Haris Vranić predložio je usvajanje Odluke o izmjenama i dopunama Odluke i listi lijekova Kantona Sarajevo. Za sadržaj ovog propisa saznali smo tek nakon što je isti objavljen u „Službenim novinama Kantona Sarajevo“ broj 4/22 od 27.01.2022. godine, kada smo mogli posvjedočiti nezakonitom potezu ministra Vranića koji je protivno svim propisima, ponovo mijenja Odluka o listi lijekova i uvrštava 30-ak novih lijekova na listu i to samo onih odabranih proizvođača.

Primjena navedenih izmjena kantonalne liste počinje 01.03.2022. godine.

Izmjena kantonalne liste čak nije ni obuhvatila sve nove generičke nazive koji su uvršteni na federalnu listu (i to pogotovo one na listu A kao što su dva nova najmodernija inzulina), već samo odabrane generike pogodnih proizvođača.

Da bude jasnije koliko je ovo nezakonito i netransparentno, čak je i članom 7. Odlukom o listi lijekova Kantona Sarajevo (čiji sadržaj lijekova sada Vranić opet dopunjuje sa 30 novih lijekova), čiji je donosilac sama Vlada Kantona Sarajevo, jasno utvrđeno da „*Obavijest o terminu početka i završetka podnošenja dokumentiranih zahtjeva nosioca dozvole za stavljanje lijeka u promet, u svrhu revizije listi lijekova se objavljuje na web stranici Ministarstva*“, kao i članom 5. stav 2. da „*Izmjene i dopune ove odluke, odnosno izmjene Liste lijekova, kako u sadržaju, tako i u cijenama lijekova uvrštenih na Listu lijekova, vrše se na način i po postupku kako su i doneseni*“.

Dakle, doslovno svaka izmjena liste se može raditi isključivo na isti način kao što je lista donesena, nakon javnog poziva svim farmaceutskih kućama.

Prethodno je Federalna vlada krajem 2021. godine izvršila izmjene Odluke o listi lijekova kojima je uvršteno nekoliko novih generičkih imena, a za čiju prilagodbu je postojao rok od 60 dana od dana donošenja tj. do 01.03.2022. godine, u kojem periodu je potrebno uraditi reviziju kantonalne listu i omogućiti svim zainteresovanim kandidatima da apliciraju sa svojim lijekovima.

Naravno, javnog poziva za izmjene i dopune i reviziju liste u Kantonu Sarajevo nije ni bilo, a dokumentaciju su dostavili direktno Ministru samo njemu odabrane farmaceutske kuće koji su znali za ministrovu namjeru da ponovo mijenja i dopunjuje listu, a Ministar je ekspresno, i to u roku od 20 dana (umjesto zakonski propisanih 60 dana) sve čak stigao sam završiti, pa čak i staviti na Vladu KS i usvojiti.

Koliko je propisa uspio Ministar Vranić prekršiti teško je nabrojati, ali je sigurno prekršio dva ključna propisa koji regulišu ovu materiju.

Kao što sam već naveo, ministar je izvršio izmjene kantonalne Odluke o listi lijekova i to članovima 3., 4. i 5. na način da je prvo pod krinkom zakonske obaveze usklađivanja sa sadržajem nove federalne liste utvrđene Odlukom o listi obaveznog zdravstvenog osiguranja FBiH („Službene novine FBiH“ 106/21Ž), ali pri tome nije raspisao javni poziv što je bio u obavezi prema odredbama članova 4. i 7. Odluke o listi lijekova Kantona Sarajevo („Službene novine KS“ 43/18, 48/18, 11/21, 26/21, 28/21, 30/21 i 4/22), nego je, samoinicijativno, dopunjavao lijekove bez da je omogućio svim zainteresovanim da ponude svoje lijekove.

Nakon toga je, već u članu 6. izmjene kantonalne Odluke o listi lijekova napravio do sada neviden presedan i uvrstio na listi A lijek semaglutid koji košta čak 138,12 KM+PDV, a koji nije sastavni dio federalne liste lijekova, čime je grubo prekršio odredbe člana 8. Odluke o listi obaveznog zdravstvenog osiguranja FBiH, iste one na koju se poziva u prethodnim članovima.

Odredbama ovog člana propisano je:  
*„Nije dozvoljeno proširenje pozitivne liste lijekova kantona iz st. (1) i (2) ove tačke, sa lijekovima koji nisu sadržani ni u Federalnoj A listi lijekova, ni u Federalnoj B listi lijekova, ukoliko kanton u pozitivnu listu lijekova kantona nije uključio sve generičke lijekove sadržane u Federalnoj A listi lijekova, sa sudjelovanjem zavoda zdravstvenog osiguranja kantona u cijeni lijeka od 100% i Federalnoj B listi, te ukoliko nije u mogućnosti osigurati finansijska sredstva za implementaciju pozitivne liste lijekova kantona u koju su obavezno uključeni lijekovi sa Federalne A liste lijekova, sa sudjelovanjem zavoda zdravstvenog osiguranja kantona u cijeni lijeka od 100% kao i fakultativno lijekovi sa Federalne B liste lijekova“.*

Kako kantonalna lista ne sadrži sve lijekova sa federalne liste B, sasvim je jasno da prema važećem propisu nije bilo dozvoljeno da se na kantonalnu listu uvrsti lijek koji nije sastavni dio federalne liste, pa ostaje potpuno nejasno kojim propisom se ministar vodio. Kako je na ekspresno objavljenj izmjeni liste bilo nekoliko logičkih grešaka, ministar Vranić

je u „Službenim novinama KS“ broj: 5/22 objavio i ispravke Odluke o izmjenama i dopinama Odluke o listi lijekova Kantona Sarajevo, a gdje je pod tehničkim izmjenama dodao još jedan lijek, iako je navedena radnja evidentno suštinska izmjena liste a ne tehnička ispravka.

Imajući u vidu sve navedeno, postavljam Vladi, ministru Vraniću, ali i Uredu za borbu protiv korupcije sljedeća pitanja:

1. Da li su izmjenama Liste lijekova iz januara 2022. Favorizirane određene farmaceutske kuće, čiji su lijekovi uvršteni na listu bez javnog poziva u odnosu na sve druge farmaceutske kuće u Bosni i Hercegovini?
2. Zašto nije objavljen javni poziv za sve farmaceutske kuće u skladu sa odredbama članova 5. i 7. Odluke o listi lijekova KS? Da li je posrijedi nemar ili pak zloupotreba službenog položaja?
3. Da li je ministar Vranić i Vlada KS stavljanjem na listu lijeka semaglutid koji nije na Federalnoj listi direktno postupio nezakonito odnosno protivno članu 8. Odluke o listi obaveznog zdravstvenog osiguranja FBiH, i ako jeste (a jeste) ko će biti odgovoran za materijalne posljedice donošenja i primjene takve liste? Da li je svjesnim uvrštavanjem lijeka semaglutid na listu Kantona Sarajevo koji nije na Federalnoj listi (a što je zabranjeno članom 8. Odluke o listi obaveznog zdravstvenog osiguranja FBiH), čime je omogućeno drugom licu da pribavi imovinsku korist na nezakonit način, počinjeno i neko od slijedećih krivičnih djela: zloupotreba službenog položaja, Nesavjestan rad u službi ili nekog drugog krivičnog djela propisanog KZ FBiH?
4. Da li Ministar Vranić imao zakonsko pravo da samoinicijativno sačini i objavi u Službenim novinama KS Ispravke Odluke o izmjenama i dopinama Odluke o listi lijekova Kantona Sarajevo, a gdje se pored tehničkih ispravki radila i suštinska izmjena dodavanjem novog lijeka TOLDEX i da li je navedenim postupanjem isti prekoračio svoje stvarne ovlasti kao Ministar?  
Da li je za navedenu ispravku, pogotovo za dio kojim se dodaje novi lijek na listu, morala proći procedura ista kao za izmjenu liste, odnosno da li je ista prvo morala biti razmatrana i usvojena na sjednici Vlade Kantona Sarajevo?  
Da li je Ministar navedenom radnjom prekoračio svoje stvarne ovlasti i samoinicijativno preuzeo ulogu Vlade i potpisao navedeni akt, iako je isti nakon provedene procedure potpisati Premijer?
5. Ukoliko je nezakonito postupio u bilo kojem od prethodno opisanih slučajeva, da li Zavod zdravstvenog osiguranja Kantona Sarajevo sa tim saznanjem smije da počne finansirati navedene lijekove koji su nezakonito uvršteni na listu lijekova i ko će za to biti odgovoran jer će ti lijekovi u tekućoj i narednim godini imati ogromnu potrošnju sa procjenom od preko 2.000.000 KM godišnje?

1 /  
t  
Haris Zahragic